

“Zoti respekton lirinë e zgjedhjes sonë”!



Pse të verbrit e thërrasin Krishtin, “Bir i Davidit”? Pse Krishti lejon që të verbrit të thërrasin me zë të lartë? Pse Krishti i pyet të verbrit nëse Ai mund të jepte shërimin? Pse kërkon Krishti që të verbrit të mos tregojnë për shërimin?

- Të gjitha këto pyetje të dashur besimtarë, do t’u përgjigjemi përmes mësimeve të një prej Etërve të Kishës sonë, Shën Joan Gojartit.

Në komentin që ai bënte të kësaj pjese në Ungjillin që dëgjuam ditën e sotme ai thotë: “Që të thirrurit ‘Biri i Davidit’ për dikë në Izrael ishte një nder i madh dhe një vlerësim i madh. Të gjithë princat, mbretërit që rronin mbas Davidit, zakonisht thërrisnin mbretër të gjithë bijtë e Davidit. Kujtojmë pra, pikërisht Perëndia i kishte premtuar Davidit se do të ishte dikush që do të mbretëronte nga familja e tij. Kështu që dikush do të thirrej “Biri i Davidit” do të ishte një nderim i madh dhe pikërisht për këtë arsye i verbëri kishte treguar nderim te madh i thërret dhe i thotë: “Biri i Davidit ki mëshirë për ne”.

Po përse Zoti lejon të përsërisin kërkesën edhe i thërrasin me zë të lartë? Përse e bënë Zoti këtë?

Shenjtori thotë, për të parë që kjo ishte një kërkesë e tyre që ata vet kërkonin shërim. Jo që Zoti të vepronte pa dëshirën e tyre. Pse, thotë shenjtori? Sepse nëse Zoti do të bënte shërimin vet, pa pyetur ata, atëherë Zoti duhet të jepte shërim të gjithëve”, duhet të shpëtonte të gjithë, por kjo ishte një cënim i lirisë së njeriut që ishte dhënë dhuratë nga Perëndia.

Dhe kur u afruan në shtëpinë ku qëndronte Krishti, u afrua dhe Zoti i pyeti: Çfarë doni të bëj për ju? A besoni që unë do ta bëjë këtë gjë?

Pse i pyeti Zoti? I pyeti për të treguar nëse ata vërtetë besojnë që Ai mund ti bënte këto çudi. Dhe thotë shenjtori nuk është hera e parë që Zoti bënë diçka të tillë.

-Vazhdimisht, Ai kur bënte shërime, kërkonte nëse ata kishin apo jo besim që Zoti kishte pushtetin dhe fuqinë që të bënte mrekullinë. Përmend Joan Gojarti raste të shërimeve të paralizuarit, vajzën e sëmurë të kryetarit të sinagogës, shërbëtorit të centurionit romak, edhe shumë raste të tjera, ku Zoti kërkon edhe pyet nëse ata kanë besim.

- Po pse më pas, pasi e bënë mrekullinë, u jep dritën e syve, i lë të shkojnë përsëri dhe u'a ndalon që të flasin për këtë mrekulli. Herë tjetër do të shikojmë dhe dëgjojmë Krishtin të thotë shkoni - këtyre që u ka dhënë shërimin - shkoni dhe tregoni se çfarë ka bërë Perëndia për ju, ndërsa në këtë rast thotë, jo, nuk do të flisni.

- Zoti thotë se nëpërmjet kësaj mrekullie do të tregohet lavdia e Perëndisë. Jo thjesht për t'i mburrur ata por për tu Lavdëruar Perëndia. Është ndryshimi i madh ndërmjet asaj që thotë Zoti përpara, shko, trego se çfarë ka bërë Zoti për ty dhe asaj që në këtë rast që Ai ua ndalon atyre të tregojnë këtë gjë.

- Por, pikërisht ata bëjnë atë gjë që Zoti u kishte thënë, shkuan të tregonin se çfarë kishte bërë Zoti për ata.

- Në pjesën e Ungjillit na tregohet për një shërim të dytë. Për një të demonizuarshurdhë-memec dhe Zoti e shëron atë. Por disa nga Farisenjtë, thonë që Zoti e bëri këtë çudi, mrekulli, me pushtetin e demonëve.

Shën Joan Gojarti thotë: “Ka një ndryshim shumë të madh, në mënyrën si vepron Krishti dhe demonët edhe përmend kur thotë Zoti; që nëse djalli largon djallin lufton kundër vetes së tij. Atëherë si mund të bëjë Djalli diçka të tillë. Por, thotë shën Joan Gojarti: “Demonët, kur njeriu bënë diçka magjike demoniake, ata bëjnë që njeriun ta lidhin me atë, me demonët. Dhe e dyta, që të pengojnë njeriun që të bëhet pjesë e mbretërisë së Perëndisë. Krejt e kundërta ndodhë me Zotin. Zoti gjithçka që e bënë, e bënë për lavdi të Perëndisë dhe tjetra është që t'i çojë njerëzit drejt Mbretërisë së Perëndisë. Ky është dallimi shumë i madh nëpërmjet mënyrës si vepron i ligu dhe Perëndia.

- Nëse shikojmë që ajo që na jepet në jetën tonë na sjell paqen, qetësinë dhe na çon në udhën e Perëndisë, na çon drejt Perëndisë, drejt Mbretërisë së Perëndisë, atëherë jemi të sigurt që ajo gjë është prej Perëndisë. Të dashur besimtarë, le të kërkojmë edhe ne nga mjeku i shpirtrave dhe trupave

tanë, të na forcojë në besë dhe të na udhëheqë drejt Mbretërisë së Perëndisë. Amin
Nga predikimi i Mitropolitit të Apollonisë dhe Fierit, Hirësi Nikolla
E Diela e VII e Mattheut 31 Korrik 2022
Katedralja e “Shën Gjergjit” Fier
[Radio “Ngjallja”](#)